

*tra inquisitum sufficient ad torturam, tunc cum circumstantiali relatione omnium eorum, quae contigerunt, vel immediatum Magistratum ipsi consulant, vel prudentum consilium requirant.*

## EXEGESIS.

**D**uo itaque in hoc articulo sunt notanda 1. *In casu dubio Principis aut alterius Magistratus decisionis petitio;* Equidem in causis publicis & criminalibus incidens dubitatio jure & legibus est aestimanda: & si lex non satis clare rem determinet, utique ad Principem seu Magistratum superiorem sed immediatum recursus fieri debet, l. 6. & l. 11. de *Custodia reor.* Ubi legi poterit. N. 82. c. fin. Principis siquidem est in re dubia decidere, quid fieri, aut pro justo haberi debeat.

2. *Requisitio consilii apud Prudentes, vel Jctos in Facultate Academica.* Provocat Imperator ad artic. ult. in quo Imperator disponit, quod in rebus dubiis Doctorum collegia in Academiis, vel aliarum civitatum prudentes consuli debeant, ex quorum informatione ipsi demum judices tui possint procedere. In hac consideratione legi poterit Oldekop. qr. 7. p. 128. contra *Carpzov.* Ubi multa non necessaria coacervavit.

Ut autem hac in re recte procedatur. (1) *Relatio bona fide fieri debet.* Nihil hic reticendum, nihil addendum est, sed omnia, quae in facti contingentia revera se habent, sunt exprimenda. (2) *Protocolli & Actorum transmissio fieri debet,* nimis ut extranei Jcti ex inspectione Protocolli & integrorum actorum estimare queant, an illa Indicia ad torquendum sufficient, vel non? Ultra id namque, quod in Protocollo, & Actis habetur, ipsi pronunciare nequeunt. (3) *Judicis informatio è consilio Sapientum expeditio.* Quantumvis in aliis negotiis Consilia Prudentum ad requisitionem litigantium impetrata in judicando non ita attendi soleant: illa tamen, quae est sententia Jctorum in processu Criminali statuuntur, merito attenduntur, & executioni dantur. (4) *Communicatione vel potius notificatio impetrati responsi,* ita, ut quod Jcti communi suffragio statuerunt, significetur inquisito, ut intelligat, nihil a Judice propria autoritate fieri, sed cuncta est prærequisito Prudentum consilio expediri.

## ARTIC. VIII.

*Judicem ad tormenta pervenire, si aliae probationes sufficientes desint.*

Als-